



## **INFORMASUUNI/SUOSTUMINEN VALVONASTA VYÖKAAMERAN KAUTTA**

TES Valvonta on motyli TES:issä joka mahdollistaa kotipalvelulle ette tehhää valvontaa vyönaikana kaameran avula. Kaamera montteerathan kotia sille jollako oon valvonta ja kotipalveluhenkilökunta saattaa sitten koplata ylös ittensä kaamerhaan ja nähä liikkuvan kuvan sittä mikä oon kaameran eessä.

Päätös valvonasta koissa otethaan avustuskäsitteliältä. Se joka saapii päätöksen valvonasta koissa saattaa itte valikoija jos ja missä määrässä hään halvaa vyövalvontaa kaameran kautta. Aivan kaameran, avian käynnin, elikkä sekottaa vaihtoehtoja. Yks katshaus kaameralla oon piain kylliksi kahenaikhoin. Mutta henkilökohtanen käynti passaa paremin kuuen aikhoin ko käypi aamula tualetissä.

Kaikin ei tykkää kotikäynistä vyölä. Ovet joitako aukasthaan, helisevät auaimet ja lamput joitako sytytethään saattavat vaivata sitä joka herrää helposti. Valvonta kaameran kautta oon komplementti niile elikkä sille joka ei halvaa käyntiä vyölä.

Sulle joka halvaat pruuata vyövalvontaa kaameran kautta tulhaan instaleeraahmaan kaamera sinun asunthoon. Tämä ei tule aiheuttamaan sulle lisäkostonuksia. Yhessä vyöhenkilökunnan ja avustuskäsitteliän kansa Sie päätät minä aikana/aikoina valvonta pittää tapahtua. Kaamera oon vain käynnissä vyönaikana ja vain sen aijan ko Sie olet sopinu. Kirjotettu sopimus minä aikoina valvontaa tehhään kirjotethaan sinun ja vyöpatryllin kesken. Ei tehhä yhthään sisälepellausta eikä yhthään kuvia säästetä. Vain vyöhenkilökunnala oon sisälelokkausvaltuus ette tehhä valvonan. Jos valtuutettu vyöhenkilökunta sisälekoplaustilasuuessa näkkee ette sie et makkaa sängyssä, net oottavat 10-15 minuttia ja tekevät uuen valvonan. Jos sie vieläkhään et makkaa sängyssä net tekevät fyysisen valvonan sinun tykönä ette kattoo ette kaikki oon ok sinun kansa. Tämän met tehämä ette lisätä sinun turvalisueen ja varmuuen. Vyöhenkilökunta tokymenteeraa kaikki poikkeukset varmala laila. Tarjonta oon vapaaehtonen ja sen mennee lopettaa koska vain.

## **SUOSTUMINEN KÄYTTÄJÄ**

Joo, mie suostun siiheen ette saaja kaameran instaleeratuksi sovitulle paikale minun asunthoon, ette henkilökunta vyöpatryllistä tekkee vyövalvontaa  
**Taatumu:** .....





**Nimiallekirjotus:** .....

**Nimiselvitys:** .....

**Telefooninumero:** .....

#### **SUOSTUMINEN LIKHIINEN**

Joo, mie suostun siiheen ette minun omhainen saapii kaameran instaleeratuksi sovitulle paikale hänen asunthoon, ette henkilökunta vyöpatryllistä tekkee vyövalvontaa

**Taatumi:** .....

**Nimiallekirjotus:** .....

**Nimiselvitys:** .....

**Telefooninumero:** .....

#### **KÄSITTELY HENKILÖTIOISTA**

Siinä yhteyessä ko sulle myönethään toimi sosiaalihallinolta, Kirunan kunta tulee saahmaan maholisuuen käsitellä sinun henkilötietoja 13 i GDPR artikkelin mukhaan. Kirunan kunta oon henkilötietovastuulinen käsittelylle sinun henkilötioista ylhäälä olevan mukhaan. Henkilötietoja pittää vain käsitellä siiheen tarkotuksheen jotako seisoo informasuunissa ylhäälä. Suostuminen oon oikeuenmukhainen perusta käsittelylle. Net katekuriit henkilötioista joitako käsitelhään oon vain net joitako mainithaan suostumislausheessa.

Sulla oon artikkeli 15 taattasuojelusäätänön mukhaan oikeus, ette ilhmaisesti yhelä tilasuuela saaja tietoa jos ja kunka sinusta käsitelhään tietoja ja saaja kopion henkilötioista jokka oon sinusta ja oon käsittelyn alla. Lisäkopioista saatethaan tulla ottamhaan makso. Sulla oon kansa oikeus vaatia oikasun artikkeli 16 mukhaan ja poistamisen henkilötioista artikkeli 17 mukhaan elikka rajotuksen käsittelystä jokka koskee sinua ja vastustaa käsittelyä ja vaatia taattaporttapiliteettiä artikkeli 20 mukhaan. Huomioitte ette oikeus poistamisheen sisältää usean rajotuksen artikkelissä 17, 3./Sulla oon oikeus vaatia takashiin suostuminen/Sulla oon oikeus tehä valituksen Taattatain-speksuuhniin

Kontaktitiot: **Kiruna kommun** *Posti:* 981 85 KIRUNA, *Käynti:* Stadshustorget 1. *Tfn:* väkseli 0980-70 000, [kommun@kiruna.se](mailto:kommun@kiruna.se)

Taattasuojeluasiamies; Susan Sidér, Kirunan kunta, 981 85 Kiruna.